



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

LX. S. Silverius. Anno Christi 536. Justiniani 10. Theodati 3.

[urn:nbn:de:hbz:466:1-65446](https://nbn-resolving.org/urn:nbn:de:hbz:466:1-65446)

Apocrisarii munus obtinuit *præcipue post Justiniani tempora*, ut ait idem *Marca* §. 1. qui §. 2. subjicit, *Legatos hujus generis Apocrisarios & Responsales dictos esse ab illius sæculi Scriptoribus, quod responsa seu mandata eorum exequerentur, a quibus missi erant.* Ἀποκρισις enim *responsio* est.

LX.

S. SILVERIUS.

ANNO CHRISTI 536.

JUSTINIANI 10. THEODATI 3.

DE Agapeti decessu audiens Romana Civitas Silverium Subdiaconum,

Bar. an. 536. §. 120. Pag. §. 16. Bar. an. 538. §. 5. 6. 7. 8. Pag. §. 6. II. *Hormisdæ quondam Papæ filium (1) elegit ordinandum (2) anno 536. mense Junio. Interim Vigilius Agapeti Diaconus, qui Constantinopoli adhuc morabatur, abreptus cupiditate Pontificatus, quâ usque à Bonifacio II. flagrabat, (3) promittit Theodoræ Augustæ Eurychianæ fæminæ, se abrogaturum Concilium Chalcedonense, & Anthimum, Severum, aliosque Acephalos restitutum communioni Ecclesiæ, si operâ ejus constitueretur Episcopus Romanorum.*

rum. (4) Theodora, ut sibi & Vigilio indulgeret, mandata de ea re Belisario dedit. Vigilius Romam reversus, Silverium Pontificem creatum reperit. Non propterea modum posuit ambitioni effrænatae; sed Belisarium Ravennam convenit, traditisque ei mandatis Theodoræ, pecuniâque promissâ, traduxit in assensum consilii sui. Belisarius ut imperata faceret, ac Vigilio faveret, Romam profectus, Silverium vocavit in crimen prodicionis, perinde quasi per litteras egisset cum Virige Theodati successore de Urbe tradenda Gothis. (5) Eundem postea tentavit, ut damnaret Concilium Chalcedonense, & Acephalos reciperet in Fidelium societatem. Id facere recusantem in exilium misit Pataram Lyciæ, eique Vigilium substituit. Mox Patarensis Episcopus veniens ad Imperatorem, *judicium Dei contestatus est de tanta sedis Episcopi expulsionem, multos esse dicens in hoc mundo Reges, & non esse unum, sicut ille Papa est super Ecclesiam mundi totius, à sua Sede expulsus. Quem audiens Imperator, revocari Romam Silverium jussit, & de litteris*

Libertus c. 22.

teris

veris illis iudicium fieri, ut si probaretur, ab ipso fuisse scriptas, in quacunque civitate Episcopus degeret, si autem falsa fuissent probata, restitueretur Sedi suae. Hinc Vigilius conscientiam ictus, verens, ne Pontificatus Silverio adjudicaretur, eum sibi à Belisario traditum in insulam Palmariam, vel Pontiam Palmariae vicinam, deducendum curavit, ubi aut inedia consumptus, aut telo confossus, anno 540. XII. Kal. Jul. quinto Pontificatus anno inchoato, à miserrima ad felicissimam vitam migravit. (6)

Bar. an.

140. §. z.

Pag. §. z.

ANNOTATIONES.

(1) *Ex legitimo matrimonio ante susceptum; alias enim ad tante dignitatis gradum prorsus fuisset inhabilis:* Baronius ad an. 536. §. 123.

(2) Liberatus in Breviario cap. 22.

Anastafius pag. 102. scribit, Silverium *natione Campanum* creatum Pontificem operâ Theodati Regis Gothorum ab eo corrupti pecuniâ. At Liberatus, qui, ut ait Baronius ad an. 536. §. 123. *his temporibus vixit, & Breviarium Historia sua scribebat*, nullam facit mentionem de vi Clero illata à Theodato, nec de pecunia eidem Theodato data ab Silverio. *Quod quidem*

dem crimen (adjicit Baronius) neque verisimile fit, dum illud ipsum Silverius Vigilio Sedis sue invasori in libello sententia, quem de ipsius damnatione conscripsit, potenter objiciat: quod haud puto adeo liberè facere potuisse, si ejusdem ipse reus extitisset.

(3) Hic nempe est Vigilus ille, qui Bonifacii II. adhuc superstitis se successorem creati obtinuit.

(4) Illi, qui licet recedentes in quibusdam ab ipsius Eutychis auctoris & capituli sui sententia, sequi tamen dedignantur Ecclesie Catholicae doctrinam, cujus caput est Christus in duabus naturis, id est in divinitate atque humanitate perfectus, tanquam sine capite remanentes, Acephali vocantur à Græcis, quos significantius nos Semieutychianos possumus appellare: Facundus Hermianensis lib. 1. Pro defensione trium Capitulorum cap. 5. apud Sirmondum Operum tom. 2. pag. 316. edit. Venetæ.

Alii alias afferunt hujus nominis causas; ut Leontius de Sectis actione 5. Liberatus cap. 9. Ado Viennensis in Chronico, Nicephorus lib. 18. cap. 45. Caterùm constat, ut ad recitatum Facundi locum notat Sirmondus, Acephalos tandem, quæcumque sit origo, universè appellatos Monophysitas omnes, qui unam in Christo naturam

Saudini Vitæ Pontif.

R

116.

juram statuebant, & Synodum Chalcedonensem oppugnabant, licet inter se aliis aliis erroribus discrepant. Vide Baronium ad an. 433. §. 21.

(5) Roma capta est à Belisario duce Justiniani Imperatoris anno 537. & Romanis Imperatoribus restituta, cum annos sexaginta Odoacri Herulorum, Theodorico ejusque successoribus Regibus Gothorum paruisset. Euagrius l. 4. c. 18. tom. 11. Bibl. Patrum pag. 1000.

(6) Liberatus cap. 22. mortem Silverii tribuit Vigilio, eumque inedia necatum refert: *Vigilius, ne Sede pelleretur, Belisario mandavit: Trade mihi Silverium, alioqui non possum facere, quod à me exigis. Ita Silverius traditus est duobus Vigilii defensoribus & servis ejus. Qui in Palmariam insulam adductus sub eorum custodia defecit inedia.* Procopius Cæsariensis in Historia Arcana pag. 4. Silverii interfectorem facit Eugenium famulum Antoninæ uxoris Belisarii. Ita enim scribit de Antonina: *Fuit illi minister sceleris quidam ex famulis Eugenius nomine, qui & commissi contra Silverium piaculi satelles fuerat.* Nicolaus Alemanus in suis ad Historiam illam annotationibus pag. 4. observat, *Silverium non inedia, sed ferro, aut aliâ sanguinaria hominis arte confectum, & probat ex eo, quod Procopius hujusmodi facinus expres-*

fit his verbis, ἐργάζεσθαι μίανον, *paculum patrare*, quâ phrasi semper uti solet ad significandam necem alteri illatam vi. Postea subjicit in hunc modum: *Illa de Vigilio Liberatus narravit animo in eundem non ita benevolo. Nam Africani ob confirmatam à Vigilio Quintam Constantinopolitanam Synodum de Tribus Capitulis, non solum scriptis eum lacefferunt, ut Facundus Hermianensis; sed & epistolam sub ejus nomine ab hereticis confictam ipsi vulgârunt, & ad posteros transmiserunt, nempe Liberatus in Breviario, & Victor Tununensis in Chronico: ac denique anathemate impetere ausi sunt. Postremò Liberatus de nece Silverii scripsit, quæ ab aliis acceperat: Protopius verò horum testis fuit oculus, Roma tunc degens, & apud Antoninam tanti sceleris artificem.*

LXI.

VIGILIUS.

ANNO CHRISTI 540.

JUSTINIANI 14. VITIGIS REG.

4.

VIGILIUM Joannis filium, Ro. Bar. an.
manum justum ac legitimum 540. §. 7.
R 2 Pon.